

XEDAPEN OROKORRAK

EUSKAL HERRIKO UNIBERTSITATEA

480

ERABAKIA, 2012ko abenduaren 20koa, Universidad del País Vasco / Euskal Herriko Unibertsitateko Gobernu Kontseiluarena, UPV/EHUko Gasteizko Ingeniaritzako Unibertsitate Eskolaren arautegia onartzeko dena.

Universidad del País Vasco / Euskal Herriko Unibertsitatearen Gobernu Kontseiluak ikastegietarako arautegi markoa onetsi zuen 2012ko otsailaren 23ko Erabakiaren bidez, Gobernu Kontseiluaren 2011ko ekainaren 23an onetsitako garapen-arautegia berrikusteko egutegia beteaz.

Oinarrizko arautegi hau, oinarrizko arautegi gisa eratu da, beraz, sailek horren gaineko alderdien inguruan arautu beharrekoaz erabaki dezakete, modu horretara, zeinek bere antolamendu autonomia bermatuz.

Ikastegien arautegi markoaren bigarren xedapen iragankorrek sei hilaren epea ematen zuen, indarrean sartu zeneko datatik aitzina, ikastegiekin bertan adierazitakora ekarri eta molda zitzaten tokian tokiko arautegiak.

Gasteizko Ingeniaritzako Unibertsitate Eskolak, arautegi honen babesera etorrita, onartu egin zuen Ikastegi Batzarrak 2012ko azaroaren 30ean egindako bileran bertako arautegiaren arautegi marko berrirako egokitzapena.

Horregatik guztiagatik, eta Idazkaritza Nagusiak hala proposatuta, Gobernu Kontseiluak honako hau

ERABAKI DU:

Lehenengoa.– Gasteizko Ingeniaritzako Unibertsitate Eskolaren arautegia onestea.

Bigarrena.– Euskal Herriko Agintaritzaren Aldizkarian argitaratzeko agindua ematea.

Hirugarrena.– Gasteizko Ingeniaritzako Unibertsitate Eskolaren arautegia argitaratu eta biharamunean jarriko da indarrean.

Leioa, 2012ko abenduaren 20a.

Errektorea,
IÑAKI GOIRIZELAIA ORDORIKA.

Idazkari nagusia,
EVA FERREIRA GARCÍA.

GASTEIZKO INGENIARITZAKO UNIBERTSITATE ESKOLAREN ARAUTEGIA

1. artikulua.– Ikastegien Oinarrizko Arautegiko 9.2 artikulua zehaztapena.

2.– Ikastegiko Batzarrak 36 kide hautetsi izango ditu, era honetara banatuta unibertsitate sektoreen arabera:

- Irakasle eta ikertzaile iraunkorrak: % 63,75.
- Gainerako irakasle eta ikertzaileak: % 2,09.
- Ikasleak: % 22,08.
- Administrazio eta zerbitzuetako langileak: % 12,08.

2. artikulua.– Ikastegien Oinarrizko Arautegiko 12.2 artikulua zehaztapena.

2.– Gasteizko Ingeniaritzako Unibertsitate Eskolako Akademia Antolakuntzako Batzordea era honetara dago osatuta: eskolako zuzendaria edo hark bere ordezkari izendatutakoa (batzordeburua izango da); eskolako idazkari akademikoa (batzordeko idazkaria izango da); irakasle bat eskolan ematen den titulazio bakoitzeko; ikasle bat. Eskolako Batzarrak aukeratuko ditu taldean taldeko ordezkariak, baina ez da nahitaezkoa izango batzarreko kide izatea batzordean ordezkari izateko.

3. artikulua.– Ikastegien Oinarrizko Arautegiko 14.1 artikulua zehaztapena.

1.– Euskara Batzordea eratuko da, parte hartzerako eta aholkurako organoa izango dena. Kide hauek izango ditu: eskolako zuzendaria (zuzendaritzako beste kide bat izendatu ahal izango du bere ordezkari); bi irakasle; ikasle bat; eta administrazio eta zerbitzuetako langile bat.

4. artikulua.– Berdintasun Batzordea. Ikastegien Oinarrizko Arautegiko 5.2.1) artikulua zehaztapena.

5.– Eginkizunak: 2.– Hauek dira ikastegien eginkizunak: l) Ikastegian genero berdintasuna lortzeko neurriak hartzea. Berdintasun Batzorderik eratzeko ez den bitartean, arlo honetako eginkizunak zuzendariak edo berak horretarako izendatzen duen pertsonak burutuko ditu.

5. artikulua.– Ikastegien Oinarrizko Arautegiko 10.2.b) artikulua zehaztapena.

2.– Ikastegiko Batzarren eginkizuna da ikastegiko arlo akademikoan eragina duten oinarrizko erabakiak hartzea, eta, bereziki, ikastegiko zuzendaria aukeratzea.

6. artikulua.– Zuzendari izateko hautagaitza. UPV/EHUko Hauteskundeei buruzko Arautegi Orokorreko 18.4 artikulua zehaztapena.

4.– Ikastegiko zuzendariaren kargurako hautagai zerrendari gobernu taldearen egitura eta programa erantsi behar zaizkio.

7. artikulua.– Ikastegien Oinarrizko Arautegiko 18.3 artikulua zehaztapena.

Kide anitzeko organoetako kideek eskatu eta eskuratu ahal izango dute beren eginkizunak aurrera eramateko beharrezkoa den dokumentazioa eta informazioa. Eskaria idazkari akademikori zuzendutako idatzi bidez egin behar da, eta hark astebeteko epean ebatzi behar du. Eskatzaileak horretarako eskubidea daukala behin egiaztaturik, hamabost (15) eguneko epean gehienez ere, ikastegiak haren esku jarriko du dokumentazioa ikastegiko Idazkaritzan.

8. artikulua.– Ikastegien Oinarrizko Arautegiko 19.1 artikulua zehaztapena.

1.– Kide anitzeko organoa balioz eratzeko, beharrezkoa izango da kideen gehiengo osoa egotea lehen deialdian, edo kideen heren bat egotea, gutxienez, bigarren deialdian. Deialdi bion artean, hamar (10) minutuko tartea egon beharko da.

Edozein kasutan, beti egon beharko dute bileran organoko buruak eta idazkariak edo, bestela, haien ordezkoeak.

9. artikulua.– Ikastegien Oinarrizko Arautegiko 23.2 artikulua zehaztapena.

2.– Erabakiak hiru egun balioduneko epean argitaratu beharko dira beranduen jota eskolako Intraneten, eta datuak babesteko legeria errespetaturik betiere. Organoko idazkariak eta buruak bermatu egin beharko dute bileran hartutako erabakiak argitaratu egiten direla eta gutxienez dela hilabete bat egongo direla ikusgai. Aldi hori kontuan hartuko da errekursoak jartzeko epea zenbatzean.

10. artikulua.– Epaimahaiak.

Ikasleen ebaluazioari buruzko arauak jarraiki beharrezkoa izanez gero epaimahaia eratzeko, 1., 2., 3. edo 4. deialdirako, 5. eta 6. deialdietako epaimahaiak arituko dira.

11. artikulua.– UPV/EHUko Hauteskundeei buruzko Arautegi Orokorreko 4.2 artikulua zehaztapena.

2.– Hautetsiak kargua uzten duenean zerrenda bereko hurrengo kide ez-hautetsiak beteko du haren lekua. Ordezkapena astebetean gauzatuko da, idazkariak jakinarazi duenetik kontatzen hasita.

12. artikulua.– UPV/EHUko Hauteskundeei buruzko Arautegi Orokorreko 4.3 artikulua zehaztapena.

3.– Ikastegiko Batzarraren bilerarako deia behin eginda, edozein kide hautetsik, 24 orduko epean, eskari arrazoitua egin ahal izango du, ikastegiko idazkaritzan, bere ordezkaria joateko bilerara. Batzordeko buruak erabakiko du ordezkaria onartu edo ez, kontuan hartuta eskarian azaldutako arrazoiak. Onartuz gero, eskari egilearen hautagai zerrendako lehenengo ordezkaria beteko du haren lekua.

XEDAPEN IRAGANKORRA

Ikastegien Oinarrizko Arautegiko lehen xedapen iragankorrari jarraituz, Ikastegiko Batzarrak egungo osatura bera izango du harik eta ofizialki berritzea dagokion arte; izan ere, egungo batzarra 2011ko maiatzaren 18an indarrean sartutako UPV/EHUko Hauteskundeei buruzko Arautegi Orokorreari jarraituz aukeratu zen.